

## **Kalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnissaat pillugu inatsisip allanngortinneqarnissaanut siunnersuummik eqikkaaneq**

### **Tunuliaqut**

Marine Environment Protection Committee (MECP)-ip Naalagaaffiit Peqatigiit imarsiorneq pillugu suleqatigiiffiata ataaniittup 2021-mi uuliap oqimaatsup "heavy fuel oil"-ip (HFO) Issittup imartaani umiarsuit ikummatissaattut atorineqarnissaa siunertaralugu atorineqarnissaanut assartornissaanullu inerteqqut akuersissutigaa. Tamatumunnga imartani uuliakoortoqarsimatillugu mingutsitsinerup killilersornissaa pingaarnerpaatut siunertaavoq. Inerteqqut aamma silaannarmik mingutsitsinermik killilersuissaaq.

Inerteqqutip kinguneratut Issittup imartaani HFO-p umiarsuit ikummatissaattut imaluunniit umiarsuit ikummatissaattut atorineqarnissaa siunertaralugu assartorneqarsinnaajunnaassaaq ulloq 1. juli 2024-mit. Umiarsuarsuarnut uuliamik assartuutunut marlunnik timalinnut malittarisassat aatsaat 1. juli 2029-mit atuutilissapput. Naalagaaffit Issittumi sumiiffimmut killeqartumik sineriaqartut umiarsuaannut naalagaaffiup erfalasuanik erfalasoqarlutik umiartortunut 1. juli 2029-p tungaanut utaqqiisaagallartumik immikkut ittumik akuersissuteqartoqarsinnaavoq, umiarsuit naalagaaffiup inatsisaata atortuutitaaffiata iluani umiartorpata. HFO umiarsuarni usisaatini usitut (ikummatissatuunngitsoq), sulii assartorneqarsinnaavoq.

Inatsisissatut siunnersuutip Issittup imartaani Kalaallit Nunaata eqqaani imartani aningaasaqarnikkut immikkut oqartussaaffigisani HFO-mik inerteqqutip atuutsinneqalernissaa siunertaraa.

### **Danskit imaani avatangiisit pillugit inatsit aamma Kalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnissaat pillugu inatsit**

Danmarkimi imaani avatangiisit pillugit inatsit atuuppoq (kingorna danskit imaani avatangiisit pillugit inatsimmik taaneqartassaaq). Inatsit taanna ilaatigut danskit umiarsuaannut tamanut atuuppoq aamma taamaattumik qallunaat umiarsuaannut Kalaallit Nunaata eqqaani imartani aningaasaqarnikkut immikkut oqartussaaffigisani umiartortunut atuulluni.

Danmark aammattaaq Kalaallit Nunaata eqqaani imartani aningaasaqarnikkut immikkut oqartussaaffigisani imaani avatangiisit illersorneqarnissaat pillugu inatsimmut akisussaasuvoq (tamatumaa kingorna Kalaallit Nunaata eqqaani imartani aningaasaqarnikkut immikkut oqartussaaffigisani imaani avatangiisit pillugit inatsit). Kalaallit Nunaata eqqaani imartani aningaasaqarnikkut immikkut oqartussaaffigisanut ilaapput Kalaallit Nunaata imartaanit imartaq

avataannik iluannilu sinerissamit killeqarfeqartoq tunngaviusumik titarnerit killiliussaniit qaqugukkulluunniit atuuttunit 200 sømilit tikillugit avasitsigisumiittoq.

Danskit imaani avatangiisit pillugit inatsisaanni Issittumi danskit umiarsuaasa umiartornissaannut inerteqqutip allaffissornikkut aalajangersaaffiginissaanut § 33, imm. 1-imi katersuisinnaanermut aalajangersakkamik imalimmik inatsisitigut tunngavissaqareerpoq, tamatumalu kingornatigut miljøministeri immami ingerlatanit avatangiisinik mingutsitsinerup pitsaaliorneqarnissaa killersorneqarnissaalu pillugu maleruagassanik aalajangersaasinnaavoq.

Taamaattorli Kalaallit Nunaata eqqaani imartani aningaasaqarnikkut immikkut oqartussaaffigisat pillugit imaani avatangiisit illersorneqarnissaat pillugu inatsimmi assingusumik aalajangersagaqanngilaq. Taamaattumik inatsimmut siunnersuut pisariaqartinneqarpoq, tassami maanna inatsimmi naammattumik erseqqissusilimmik inatsisikkut tunngavissaqartoqanngimmat. Taamaattumik inatsimmut siunnersuut atituumik aalajangersaanissamut piginnaatitsissummik imaqarpoq, taannalu nalunaarusiornikkut siullerpaamik piviusunngortinneqassaaq, tassanilu HFO-mik inerteqqut pillugu malittarisassat aalajangersarneqassallutik.

### **Aaqqiissutissatut pilersaarut aamma aaqqiineq**

Inatsisissatut siunnersuutip Kalaallit Nunaata eqqaani imartani aningaasaqarnikkut immikkut oqartussaaffigisat pillugit imaani avatangiisit illersorneqarnissaat pillugu inatsimmi katersuisinnaanermut aalajangersagaq 22 a aalajangersaaffigaa, taanna danskit imaani avatangiisit pillugit inatsisaanni § 33, imm. 1-imut assinguvoq. Inatsit ulloq 1. juli 2024 atuutilersinneqassaaq. HFO-imik inerteqqut allaffissornikkut nalunaarusiornikkut aalajangersaaffigineqassaaq, taannalu ulloq 1. juli 2024 aammattaq atuutilersinneqassaaq.

Katersuisinnaanermut aalajangersakkap aammattaq inatsit siunissamut qulakkiissavaa, tassami siunissami nunat tamalaat akornanni isumaqatigiissutaasinnaasut naammassineqarnissaannut periarfissiissamat, matumani ilanngullugu MARPOL-imi allannguisinnaaneq, allaffissornikkut.